



Nyaenma Lwg Hag Ra Gwn

小狐狸学觅食

gaemz haeb dai vumzvauz. Songde laebdaeb haeb dai geijcib duz le, hoengq fwngz dauqma! Nyaenma lwg yinx cungj guhcaemz neix, de angq dangqmaz.

Ngoenz daihngeih, nyaenma lwg gag iu daxmeh okbae ra gwn. Daeujdaengz ranz vunz ndeu, nyaenma lwg baez haeuj riengh gaeq bae, couh gaemz duz gaemz duz, laebdaeb haeb dai geij duz gaeqlwg. Daxmeh de ganjgaenj laengz de naeuz: "Bouxvunz coengmingz maenh'ak, raeuz mbouj ndaej daekcoih lai. Gyoengqde ciengx gaeq mbouj yungzheih, danghnaeuz hawj bouxvunz rox raeuz luenh sai gij doxgaiq gyoengqde, raeuz couh boihseiz lo." Doeklaeng, songde couh boux gamz duz gaeqlwg ma ranz lo.

Ngoenz neix banringz, nyaenma lwg gag daeujdaengz ranz vunz ndeu, laeglemx ndonj haeuj riengh gaeq bae. De siengj ra gaeqlwg gwn, hoeng, ndaw riengh mbouj miz saek duz gaeqlwg, cij miz duz gaeqmeh ndeu cingq youq laj ndit aen gumz sa ndeu dajrouh. Gaeqmeh mbouj haeujsim

nyaenma lwg haeujdaej, cij goq bek fwed bapbap. Lwg nyaenma yawjyawj gaeqmeh, yaemjyaemj youq ndaw riengh baenq gien ndeu, hoeng, de cix ra mbouj raen saekduz gaeqlwg. Sawqmwh, de yawjraen cibgeij aen gyaeggaeq comz youq gwnz byoz fiengz he, de angq raixcaix, iet fwngz bae au. Gyaeggaeq ndatfwdfwd, nyaenma lwg fwt siengj daengz, daxmeh de gangj gvaq, gaeqmeh bomz gyaeg ngeihcib lai ngoenz cij faeg ndaej gaeqlwg okdaej. Nyaenma lwg ngeix: "Gij gyaeggaeq neix haengj-dingh dwg duz gaeqmeh haenx. De seizneix bae yietnaiq lo, gou couh daej bang de bomz ba." Ngeix dwk, nyaenma lwg couh menhmenh bomz youq gwnz byoz gyaeggaeq bae.

Nyaenma dauqdaej hix ndaej faeg baez gaeqlwg ndeu lo! De ndawsim ngeix: "Gaeqlwg youq ndaw gyaeg raeuj le couh ndiu lo, caiq dot byak gyaeg le couh ndaej ndonj okdaej." Nyaenma lwg ngeix dwk ngeix dwk, nyaenx mbouj ndaej ndawsim gag angq: "Haha, gou couh

yaek dang daxmeh lo."

Nyaenma cingq naemj dwk gyoengq gaeqlwg byoeng roengzdaej le baenzlawz heuh de daxmeh, ndawsim diemzsubsub, gaeqmeh daej lo. Gaeqmeh iethoz baez yawj, da daengx lo, de geizheih dangqmaz: "Gyaeg ne? Nyaenma lwg unqswnh bomz youq gizneix guhmaz, bang gou faeg lwg ma?" Gaeqmeh mbouj miz banhfa, youh bae youzbyaij dak ndit lo.

Yaep he, dahlgw bouxcawj daej lo. De yawjraen nyaenma lwg angq-vauvau bomz youq gwnz gyaeggaeq, couh geizheih dwk byaij gvaqbae.

Dahsau rop nyaenma lwg hwnj-daeuj baez yawj, gyaeggaeq aen' aen cungj ndei ne. Caiq yawj, gaeqmeh hix mbouj heiq mbouj linj, cwxcaih dangqmaz.

Dahsau riunyumnyum rop dawz nyaenma lwg, umj de byaij daengz rog dou hongh, menhmenh cuengq gwnz dieg bae, caiq menhmenh bongx laeng hwet de mbat ndeu, heuh de baema lo.

(Ganh Sozvwenz/甘说文)

Daxgoeng Gyaeg Guenj Siujsaeh

爱管闲事的爷爷

Daxgoeng gaeng 60 lai bi lo, de miz aen daegdiemj he couhdwg gyaeg guenj siujsaeh.

Miz ngoenz singhgizhaj banringz he, daxgoeng gwih ci daej ciep gou ma ranz. Daengz buenqlh, de sawqmwh dingz ci roengzdaej. "Daxgoeng, dingz ci guh gijmaz?" "Mwngz mbouj yawjraen gyang loh miz bohliiz soiq ha?" "Mwngz gaej guenj gij siujsaeh neix lo. Cijaeu mbouj camz deng daici raeuz, guenj de guh maz lo!" "Camz deng byawz cungj mbouj ndaej." Daxgoeng gungj hwet roengz gip bohliiz soiq hwnjdaej, vut daengz aendoengj coux nyapnyaj henz loh bae, bekbek faenx gwnz fwngz le, cij cuengqsim gwih ci doz gou bae.

Lij miz baez ndeu, youq goengloh laeng ranz gou, daxgoeng cingq youq

henz loh guh hong, miz boux vunz he daici mozdozceh de dek lo. Henzgyawj mbouj miz bouq coih mozdozceh, boux vunz haenx gip ndaej baenqlulu. Daxgoeng raen le sikhaek cuengq hong ndaw fwngz roengz, bae bang boux vunz haenx ra hongdawz bouj daici, bouj hauilai nanz, aen daici bouj ndei lo. Boux vunz haenx doiq daxgoeng gangj sing "docih" he, couh gwih mozdozceh bae lo. Daxgoeng sousib ndei doxgaiq, laebdaeb guh hong. Daxbuz yawjraen le, cam: "Boux vunz haenx dwg byawz ha?" Daxgoeng naeuz: "Byawz rox de dwg byawz."

Daxgoeng guenj gvaq siujsaeh daiq lai lo, itseiz gou cungj gangj mbouj ndaej liux.

(sam nienzgaep Vangz Yinghyangz)

Meuzgeq Hojlien

可怜的老猫



Bakdou aenbouq gai dox-gaiq laj laeuz miz duz meuzgeq he, gwnz hoz de deng diuz lienhdiet he suj youq, gyaeg lienhdiet he sug youq gwnz diuz guenjraemx he. Meuzgeq deng suj youq gizneix hauilai bi lo, hojlien dangqmaz.

Miz seiz, meuzgeq yawj-raen gou, aenbak "meumeu" hemq mbouj dingz, lumj dwg naeuz: "Sij baengzyoux, cingj

mwngz gouqgouq gou ba." Raemxda gou cungj yaek doek lo, caen siengj daiq de ma ranz, hojsik gou mbouj dwg bouxcawj de.

Miz baez ndeu, gou yawj-raen bouxcawj de cuengq gij-gwn haemq gyaeg, meuzgeq siengj gwn, hoeng gwn mbouj daengz. Gou couh bang de daengz gijgwn gyawj di. Gou gamjdaengz bouxcawj de daiq mbouj gyaeg doenghduz lo.

Gou siengj doiq gij vunz ciengx doenghduz iq haenx naeuz, cingj doiqdaih ndei sengmingh iq henz ndang mwngz.

(ngeih nienzgaep Liuz Siuhyez)

Daegcoengh youq laj daeng byaengq da yawj fuk doz gwnz saw, yaek ciuq ndaw doz sij bien cozvwnz he. Fukdoz gig genjdanh, cij miz dahniq he, naj doiq hwbzanj iq, cingq geiq dienheiq cingzgvang dangngoengz. Hoeng, baenzlawz sij ndei bien cozvwnz neix ne? Ndawsim Daegcoengh mbouj miz daej.

Bae cam mehnax ba. Mehnax geij ngoenz neix youq ranz Daegcoengh youq, mehnax dang gvaq boux-boqyaem ndaw cangj gvaq, seizneix youq aen bause he dang gicej. Mehnax sij faenzcieng gig ndei, cam de itdingh rox.

Mehnax gangjriu naeuz: "Daeg-coengh ha, mwngz caen rox leihyungl lauzdungliz ha." Ciepdkw, de nyinh-

sij cozvwnz cingzgingj

Yawj Doz Sij Cozvwnz

看图写作文

caen yawj le yawj fuk doz neix, doiq Daegcoengh gangj: "Mwngz yaek sij yawj doz sij cozvwnz, daih'it aeu sijsaeq cazyawj mbawdoz. Yawj doz dwg giheuj, cijmiz gauj cingcuj eiqsei mbawdoz le cijndaej sij cozvwnz. Ciengzgingj fuk doz neix youq ndawsingz hung gig noix raen, hoeng youq yienhsingz caeuq yanghcin aiq ndaej raen lai di. Mwngz daj ndaw doz

yawj daengz gijmaz ha?"

Daegcoengh naeuz: "Gou yawj daengz dahniq he youq gwnz hwbzanj geiq dienheiq cingzgvang dangngoengz."

"Dan gijneix?"

"Lij miz, baihlaeng dahniq miz aen siengbwzyez he."

"Aeu sijsaeq yawj, mbouj dan aeu yawj daengz neiyungz cujyau, lij



aeu yawj cingcuj beigingj ndaw doz. Yawj cingcuj seiz lawz, dieg lawz, gijmaz vunz cingq guh gijmaz saeh."

(1)